

南  
州  
草  
堂  
集

南州草堂集卷四目錄

古今體詩

長歌與吳子虞升

孟明府席上作

周鷹垂招飲卽席分賦

送董蒼水之粵東

春暮客雲間喜周釜山顧見山諸公招飲過

從各賦五言短句共七首

葺城口號六首

廬文子錢荀一董蒼水招同宋旣庭先生集

張洮侯齋中同賦二首

沂州道中感舊

客懷

夏日家健菴太史招同宣城高阮懷徽州王  
自先海寧朱人遠祥符周雪客仁和卓永  
瞻松江周鷹垂宋楚鴻王季爰同邑葉元  
禮雅集分賦得六魚韻二首

紀葉子招同周雪客小飲城南寓齋卽席賦  
四絕句

夏夜梁家園公讌送宋荔裳先生觀察蜀中  
同周廣菴雪客鷹垂宋楚鴻王季爰卓永  
瞻葉元禮分賦二首

偶感

贈沈繹堂侍讀

黃州別駕宋牧仲貽詩招飲長安寺寓奉荅  
荅別雪客時雪客將歸白下省櫟園先生余  
之武林

將之武林次韻畱別嚴穎亭先生暨陳胤倩  
王古直周雪客二首

涿州旅店見阮亭王先生題壁詩依韻奉懷  
任丘和邢關女子題壁詩韻

過河間獻縣有感

七夕宿東阿遇錢湘靈北上兼寄雪客

夜過露筋祠

燈下自題壬子北征詞

題王玄照畫

南州草堂集卷四

吳江徐 鈞電發著

詩彙

古今體

自辛亥二月至癸丑三月止計四十一首

長歌與吳子虞升

前年別子皖江去短歌送我攀江樹風急天晴江  
更淡片帆西上不肯住去年又向山東遊哀鴻歷  
歷江楓秋尺書迢遙雙鯉絕搔首空登太白樓樓  
頭南望煙水隔九點蒼山如黛色夢魂欲返無輕  
舸匹馬重作燕中客燕中逢人便寄書問君消息  
今何如秋漢忽得南來信呼酒大笑頻軒渠歲暮

歸塗厭冰雪馬首寒雲凍欲裂殘臘揚州十日程  
辭家欲泛楚江檝楚江雲樹正微茫客行且得暫  
還鄉五湖蝦菜余重問三泖蓴鱸爾獨嘗爲說茸  
城花滿縣拏舟與子亟相見嗟余此食武昌魚欲  
別未別淚如線

時虞升在雲間幕  
余亦將往武昌

孟明府席上作

女蠶浴罷燕歸時賸有河陽花一枝琴調共憐清  
似水尊羹應羨碧於絲遙攜黃鶴驚人句更賦青  
山幼女詞最是華尊朋輩滿十千投轄媿君知

周鷹垂招飲卽席分賦

茸城細雨晴煙澹佳客停尊鶯語圓顧曲肯從公

瑾後揮毫獨遜子猷前時王顯士銀鱗入饌棋膏  
箸金勒逢春畏著鞭乍可醉人花落候月明希屐  
想當年

送董蒼水之粵東

時蒼水將由粵東至楚

側寒斜雨颺輕煙才子初乘下瀨船路繞蠻溪應  
采蛤山當粵嶠憶啼鵲春前杜若江流細雨後桃  
柳樹影圓莫向長沙重作賦賈生鵬鳥至今憐

春暮客雲間喜周釜山領見山諸公招飲

過從各賦五言短句

地僻思鱸巷

思鱸巷爲季鷹故里釜山所居

投閒便乞休逢人看

白帽從事問青州句好停杯落潮寒入檻流遙知



恬蒼守私得九峰秋

釜山舊守恬蒼

爲愛尊絲美春帆帶雨來莫教五馬貴不惜一尊

開顧曲曾無誤論詩豈易才風流周僕射淡喜得

追陪

右贈周釜山太守

屈指爲官日中朝舊有名樂觀吳季子經授魯諸

生巢鶴詩偏老

見山前思鱸酒復傾可知爾當月

猶自照西清

江左風流在誰人過彥先雲間擊渚宅花壓黃章

船畫壁滄洲興題詩杜曲偏早看陳與李

謝叔子舒章

公亦似前賢

右贈顧見山工部見山推闢江西所載唯蘭花茉莉又善畫山水

舊是始興第曾馳御史驄興來憐酒綠老去愛花

紅茗粥堂初闢茶瓜客喜逢謝家樹樹玉正好繼

三公

右贈王農山侍御侍御公子  
額士子武季爰俱有才名

茸城風雅盛吾愛董榕菴樂府饒前輩新詞老劍  
南紅牙常獨按玉版喜同參莫以微官誤閒居鬢

未參

右贈董榕  
卷通士

底事春歸急偏尋張翰廬竹溪邀客醉雲淨掩窗  
虛列屋藏丹嶂迢潮流碧渠讀殘金馬賦慙媿到  
應徐右贈張爰鴻司理司理曾官雲南歸田後  
構竹溪書屋藏山石最奇池水可通潮汐

茸城口號六首

扁舟夜過五茸西紅滿花溪綠滿畦正是黃魚好  
時節聲聲怕聽子規啼

賣花聲裏送春回，  
扎檣編籬戶戶開。  
不似天邊郎信杳，  
早潮歸去晚潮來。

霑匙香飯是彫胡，  
滑進尊絲與碧蒲。  
海戶新開編竹網，  
買魚不及四鰓鱸。

沿海居民都用竹籠乘潮取魚

白龍潭口雨如絲，  
檀板初停賭竹枝。  
袖裏藏閻儂第一錯，  
拋紅豆與相思。

張梅岳田髻關座中戲贈小伎晚芳

三年作客暫還鄉，  
梅子櫻桃顆顆嘗。  
更愛余山新茁筍，  
抽泥帶雨和蘭香。

余向筍俱蘭花香

九峰不斷泖相連，  
撐住波心拾影懸。  
欸乃一聲柔櫓畫，  
碧湖衝破綠楊煙。

盧支子錢荀一董蒼水招同宋旣庭先生

集張洎侯齋中詩賦

十年舊識盧從事清嘯樓頭白不羣  
偏喜諸公陪宋玉梅花鐵笛思紛紛

江都才子清狂甚斗酒從渠貫十千  
白髮錢郎花下睡還從醉後眠張顛

沂州道中感舊

昔日驪駒此地分回思辛苦逐塵氛  
可憐樹樹棠梨發野老猶能話使君

客懷

點點楊花上客衣買山有約計真違  
情知芳草東風換綠徧天涯未忍歸

夏日家健菴叔招同宣城高阮懷徽州王  
自先海寧朱人遠祥符周雪客仁和卓  
永瞻松江周鷹垂宋楚鴻王季菱同邑  
葉元禮雅集分賦得六魚韻

夜涼初下直置酒脫金魚開閣綠尊滿移牀碧樹  
虛文章數枚馬賓客盡應徐緬想當河朔茲遊恐  
未如

簾閣凝香細微風散廣除酒狂容脫帽花落愛攤  
書越客吟莊鳥燕歌弔望諸雄支誰得似焉敢待  
吹噓

紀葉子招同周雪客小飲城南寓齋卽席

賦四絕句

玉河煙水似江灣，語燕飛花點鬢斑。  
一卷新詞冰雪淨，卷簾恰好對西山。

人物南朝賭酒時，過江僕射是吾師。  
謂雪客猶餘鱉

叟榮子別號風流在，悵絕青溪數首詩。

角巾漉酒漫相逢，芍藥花深午睡濃。  
底事草荒江

令宅還隨健筆鬪，龍松芝麓先生一稱龍松

龐眉野老今誰在，白恰青鞋話昔年。  
更憶垂虹橋

畔路雪灘釣叟故依然。  
時話及茂倫

附紀映鍾槩子和楊白花飛水一灣門前繫

馬五花斑荒廚舉火燒生菜飯得才人庾子山  
風雅松陵勝昔時，力裁僞體出偏師。  
徐郎本事從珍重，始信無情未是詩。  
良爰天涯得得逢酒

酷易水晚香濃便期共趁清和月去看西山雨  
後松龍鍾日事抱書眠自笑衰遺莫問年敢與  
驛驢較先後風髮未動已翻然周在淺雪客  
和落日高城俯碧灣兩行垂柳拂苔斑長安  
此地真幽絕把酒還看雨後山儒雅風流聚一  
時翻翻年少盡吾師最中更愛徐陵好新說重  
縮本事詩十年夢想忽相逢文酒縱橫與倍濃  
鑽拙讓入攀桂子與君拭眼看雙松重來秋水  
軒中客牘有新詞似去年意內中郎不可  
見尊前相對倍凄然中郎指蔡竹清也

夏夜梁家園公謙送宋荔裳先生觀察蜀

中同周廣菴雪客鷹垂宋楚鴻王季羸

卓永瞻葉元禮分賦

攀盡金門柳驪歌酒欲甯行從九折阪去愛百花  
潭叱馭通蠻徼題詩過武擔訟庭人吏散問字正

高談

蠶叢西去日飛蓋夕陽低一路幽花落千山佳宇  
啼焚人行負弩繫部悉耕犁願託蛾蟾月相依濯  
錦溪

偶感

諸陵松柏玉衣空故內金盤感侍中別買宣密籠  
蟋蟀延秋門外泣西風

贈沈繹堂侍讀

禁城吟眺柳如絲簾閣香濃下直時燕許文章誰  
得似永和書法自堪師金鑄賜沐從螭陛銀管裁  
詩出鳳池競道東陽體製好宮娥夜夜譜新詞

黃州別駕來牧仲貽詩招飲長安寺寓奉



卷一  
六  
答

夷門公子知名早擊筑相從燕市遊得句偶尋黃  
葉寺開尊同解黑貂裘銀鈎赤鼻煙霜老苦竹黃  
蘆雪浪收牧伯宦黃州搜訪坡無那又隨南鴈去  
酒香易水正高秋

附敘仲原什

幾載雲山思賜燕帝京走馬得

相將中原詞賦意故叔江左風流羨偉長地歸

花宮尊酒在

月明松徑玉琴張選

君好趁新晴夜夢去同遊天佳翁

答別雪客晴雪客將歸白下省櫟園先生

余之武林

我意唯君識飄零共一卮只憐貧病後況是別離  
時越客秋先到江湖信豈遲趨冬暇日好與寄

新詩

將之武林次韻留別嚴顛亭先生暨陳胤

倩王古直周雪客

西湖明月五湖船才脫征衫又馬鞭聞說段橋秋

水綠清歌怕聽李延年

一片鄉心帶馬飛柴門猶喜見斜暉自憐爲客傷

心慣翻怪逢人送我歸

附顛亭原什 春風纔泊潞河船長夏歸裝揖

馬鞭計日重來須射策公車犯雪又明年一劔

初隨雙鳥飛湖山星影帶朝暉彈琴幕裏仍爲

客縱素機邊不當歸胤倩原什不待秋風

億放船開門驅馬驟征鞭黃金臺畔行當暑寶

帶橋頭日似年南客能先溯鷗飛送君匹馬犯

炎暉西湖幕府如相憶家在牆東未擬歸古

直原什 鶯脰湖邊鴨紫船若歸先我著金鞭

可上江蘇詩

一

銀河渡處應相語，恰值今秋閏一年。  
蓮幕新詩彩筆飛，好同山水關清暉。畫撓蘭漿西湖口，為帶平安兩字歸。  
雪客原什秋風期買渡江，船騎馬光嘶白玉鞭歸去湖山堪嘯傲。長安近不似當年亭午輕雲挾雨飛，西山隱隱見斜暉。  
一尊酒盡難為別，遮莫明朝送我歸。

涿州旅店見阮亭王先生題壁詩依韻奉

懷

鞍馬迷離似去颿，王程應早及霜柑。  
 遙憐思子亭邊淚，雙袖今朝望劍南。  
贈阮亭奉使蜀中

任丘和邢關女子題壁詩韻

滿庭霜月浸闌干，腸斷題詩上玉鞍。  
 毳帳已隨沙草去，蘭闌猶怯露桃寒。  
 只愁綠鬢顏須改，無那青衫淚易乾。  
 多恐書生同薄命，休將紅粉怨摧殘。  
女子

詩有咫尺鳳城愁更切入門何以  
御推殘句自署云薄命妾趙氏

過河間獻縣有感

河間當日舊風流碧瓦今餘皚  
鼠秋最憶日華宮  
畔路寒煙一片瘞荒丘

七夕宿東阿遇錢湘靈北上兼寄雪客

逆旅相逢正早秋鵲橋初渡暗螢流  
只憐歲歲驅黃犢誰共年年誓女牛  
魯酒酤來清似水鄉心話盡月如鉤  
計程儻與周郎遇爲報平安自石頭

夜過露筋祠

湖煙漠漠柳絲絲鎮日疑妝欲畫時  
不見靈旗飄碧瓦月明夜過女郎祠

燈下自題壬子北征詞

蕭條庾信不勝哀  
雙淚從教鐵板催  
縱使紅鹽纔一曲也應腸斷賀方回

題王玄照畫

解道廉州太守賢  
竹牀茶竈故翛然  
前身合是維摩詰  
尺幅溪山似輞川

南州草堂集卷五目錄

古今體詩

題方邵邨畫青藤古塢圖

讀羅昭諫集昭諫屢舉不第來見錢王恐不  
納以所爲夏口詩標卷末云一箇詞人獨  
不得思量黃祖漫英雄王覽之大笑因加  
殊遇

題自畫便面贈廣陵韓醉白

西湖竹枝詞八首

中秋次冶湄大令病中詩韻

酬陸蓋思兼柬毛稚黃王仲昭丹麓諸子

哭王古直

菊香墓墓在孤山四賢祠傍有碑沒荒草中  
題曰本司婢女菊香之墓或云南宋教坊  
伎也

題柳邨漁樂圖

九日次韻酬冶澗大令

登萬松嶺

元日遊吳山絕頂

遊虎跑泉寺

由靈隱至天竺

淨慈寺

題畫寄汪舍人蛟門

借諸<sub>子</sub>飲桂花樹下戲成短歌

早春送夏北歸

大司農蒼巖梁公嶺南使回貽詩見懷敬依

原韻奉酬

苦雨

歸太僕祠堂歌

有序

十二硯齋歌寄蛟門舍人

集句送別雲麓

畫雲林山水奉寄司農公時公方奉使歸自

嶺表



岳鄂王墓

懷西溪

雜感

春夜觀劇卽席成四絕句

南宋宮詞四首

孤山偶吟

有序

暫歸吳門宋先生招同施愚山大參丁飛濤  
儀部尤展成司李暨蕭山毛大可會稽張  
南士平湖郭舉旭同郡袁重其雅集讀書  
堂分賦

用鄱陵梁御史韻寄祝汪太公兼柬蛟門

八月十八日觀湖不至

送鴛湖湯公牧入京

奉寄蒼巖先生四首

題畫與冶湄

柬雲麓二首

偶感

元禮登第未入館選却寄

再題藤塢圖

皖江龍二爲舍人新納姬武林於其北上戲

以一律送之

富春渚二首

嚴陵道中

潯江灘月下同治潯使君聽小史唱歌四首

題汪蛟門舍人少壯三好圖

冷泉亭

葛嶺

龍井

孤山

六一泉

吳越故宮

衢州

衢州曉發

重過白門周雪客招同紀篋子汪舟次宗定  
九小集汝南灣卽事

下第後述懷寄司農公四首

戊午元宵

次韻題僧迎母詩冊二首

黃山吳仁趾擬遊燕市握別西陵賦詩勸駕  
時余亦將應 詔入都矣

長歌東家健菴果亭立齋諸叔

畱別冶湄使君二首

南州草堂集卷五

吳江徐 鈞電

詩藁

古今體自甲寅正月起至戊午三月止計入十三首

題方邵村畫青藤古塢爲治澗梁使君賦

第六橋頭花正飛雲居洞口鶯亂啼晶簾如水展

圖畫青藤窻窳螭蟠垂千曲盤翠骨石骨會稽曾

種田水月山陰徐渭號田水月築青藤書屋冶澗主人復好奇烟

霞自抱龍蛇窟十年結屋恒山巔青羊白鶴時周

旋一朝獻策挾手板雙鳧忽墜西湖邊薜荔含顰

山鬼嘯陶公謝客稱同調夜月彈琴玉樹涼相羊

直欲凌壺嶠自言此圖貌故山松花落盡藤蘿斑  
龍眠妙手今周昉細皴巨劈摹荆關吁嗟方干舊  
是神仙姿鳴珂曳組黃金墀玉河烟樹春如夢游  
戲人間稱畫師方謂官侍御青藤冶湄好風格尤喜雄  
談兼岸幘爲月松陰少閉關栢臺蘭省終前席我  
家南州舊草堂兔葵燕麥俱荒涼何當從君乞數  
本資須歸種洞庭餉

讀羅昭諫集昭諫屢舉不第來見錢王恚  
不納以所爲夏口詩標卷末云一箇稱  
衙容不得思量黃祖漫英雄王覽之大  
笑因加殊遇

只爲錢王雅好名，休言黃祖漫相輕。可知江上羅  
昭諫不似當年稱正平。

題自畫便面贈廣陵韓醉白

爲寫雙巒滴翠鬟，如君歸思滿邗關。澹烟枯樹斜  
陽裏，愁煞江南瘦子山。

西湖竹枝詞八首

白香山云：未能拋得杭州去，一半勾留  
是此湖。蘇東坡云：莫把西湖比西子，淡  
粧濃抹總相宜。昔賢于此流連，嘆賞可  
謂至矣。今欲以區區烟濳刻畫，唐突得  
母，令西子笑人耶。然余客杭既久，時時

刺小艇獨立湖心每從斷岸殘陽夕烟  
衰草之際回念古今繁華銷沉無限輒  
憮然有興廢之感適陸子蓋思暨家野  
君徵選竹枝詞因隨筆書數首亦一時  
興會所觸彷彿懊儂歎乃而已若云以  
此繪湖山之妍麗寫士女之嬉遊則猶  
未盡一二也

蘭槳蘭橈唱拔蒲阿儂生小住西湖藕花蓮子都  
教竝不信孤山白愛孤

杏紅衫子藕花裳蕭九還輪應二娘狂絕司勳兩

行曲如何不惱使君腸

蕭九 天竺山前舊墟女應  
二湖口各鄉王西樵司勳



西湖竹枝云阿應的斷人腸秋水爲眸露剪雲  
花下閉門定何許陸羽西云岳墳傷卽指應二也  
西樵又有五憶  
曲亦爲應作

舉頭偷見月團團菱葉荷花不耐寒行人只解岳  
墳去蟋蟀秋風一半閒

長堤短堤柳萬條粘天草綠上裙腰小船撐過茅  
家埠春水新添沒半篙

茜萼新開錦不如儂家近傍藕花居外湖春草裏  
湖水比翼鴛鴦比目魚

楊花作糝柳成綿天竺燒香大士前轉過飛來峰

下去三生石上話因緣

三生石在飛來峯後

慣看遊人來往多不將團扇掩雙蛾香車纔過真

珠寺粉屐重穿瑪瑙坡

東風吹綠草離離遊人多到段橋西四面鶯花誰  
是主杜鵑枝上鷓鴣啼

中秋次治湄大令病中詩韻

玉宇沉沉濕鬢華底須油壁啓牕紗青楓做冷難  
成醉紅杜鵑秋易作花板叟觀濤驅小疾梁鴻友  
帶感生涯武林絃筦都銷歇風景何曾似宋家

酬陸蓋思兼稟毛稚黃王仲昭丹麓諸子  
官舍愁聽午夜鐘巢青閣上悵難同斷橋橫鎖山  
千疊孤嶼週遭水一重紅葉燒時心獨醉綠醅壓  
處興偏濃亦知有約西冷好底事勞勞客夢中

哭王古直

醉憶王曇首旗亭共解鞍  
依人供草檄玩世溺儒冠  
鏡閣青山裏西湖夕照間  
可憐蘭漿渡無語報平安

王子秋古直在燕送余之錢塘詩云  
畫橋蘭漿西湖口爲帶平安兩字歸

菊香墓墓在孤山四賢祠旁有碑沒荒草  
中題曰本司婢女菊香之墓或云南宋  
教坊妓也

腸冷豔淒幽草荒墳號菊香  
肯隨蘇小小松栢斫斷人

題柳村漁樂圖

鴉啼屋角柳藏烟一帶人家住水邊  
最愛春晴三

月暮夕陽斜繫釣魚船

九日次韻酬冶涓大令

短髮風吹感慨頻十年歸夢五湖濱  
難逢莖菊登籬日辜負寒潮載酒晨  
烏帽強扶思倦客茱萸欲插少芳隣  
絕憐仙令吟成後猶念荆高市裏人

登萬松嶺

信步躋山巔置身圖畫裏一杯視西湖  
如帶割江水脚睨臨巉巖疎花閉寒蕪  
寂寞南宋畿桑田易朝市宮闕指鳳凰  
山形變蒼紫淒涼石獸陳百年落松子  
盛衰自古今興廢有至理刈草尋斷碑  
講舍此中時

時范中丞  
浙建書院

雖非鹿洞儔願與鵝湖比傑

閣路層巒遠烟雜螺髻春霧正空濛一痕抹天際  
時聞鐘磬聲道心滌泥滓南園沸笙歌惟見朝霞  
起掬淚問金仙繁華真已矣

元日遊吳山絕頂

朝旦陟層崖延眺納遠峯隔江奔越嶠到眼駭吳  
儂樓臺既參差寺觀復玲瓏湖光上絕壁匹練橫  
當空海鷗戲沙際天雞振空濛回憶鴟夸子怒濤  
何洶洶強弩一朝發霸圖干戈雄汴中王氣盡文  
物開江東君臣足歡娛竟忘迎兩宮鬱鬱冬青樹  
倏忽隨秋風盛衰各有時俯仰問高松下憐塵囂  
起井邑等蟻蠓何如萬緣息坐聽南屏鐘

遊虎跑泉寺

山路馥幽花探泉入谿谷藍輿過寺門石骨亂飛  
瀑跨澗飲列虹方池浸寒玉朱鱗戲碧波翠蘚上  
斑竹紺殿俯冬青齊奉古天竺攜樽墖院西埜梅  
傍山麓因想坡公遊葛巾連野服引甕夜月涼樹  
下茶經續甘冽賽中冷七椀驅煩渴余亦挂詩瓢  
聊步古人躡藉此一泓清鑑彼鬚眉綠

由靈隱至天竺

招提隱喬木洞壑藏猿狙鷲嶺鬱蒼翠落葉氣扶  
疎攀磴風鳶入捫蘿虬龍舒初平石羊異懸溜同  
匡廬一亭翼巖際碧水涵階除氣清神亦肅行復

上筍輿諸天法雨外靈宮劫火餘白衣大士像金  
粟如來居宣揚第一義禪悅賴吹噓富貴真螻蟻  
宅第盡丘墟重來問迦葉拈花微笑初萬松月正  
落竺國夜濤虛待拂三生石習定閱居諸

淨慈寺

古寺南屏路亭午雨花散夕影上雷峯山門漁火  
亂登磴歷修廊青松對羅漢紺字龍象肅法鼓揚  
天半鐘樓翠篠秀郡郭輕烟畔拂雲撐奇杉蒙密  
蔽高岸還能轉曲房膜明神氣煥檀旃發異香瞑  
目亦壯觀豁眼刮金篋湖光引滋漫迤禪非遠公  
作客埒王粲且自樂浮生山花鏡中看

題畫寄汪舍人蛟門

夢繞邗江雁影遲，蜀岡西去柳絲絲。  
寒鴉流水真蕭瑟，不似汪倫送我時。

偕諸客飲桂花樹下戲成短歌

金粟香沾露濕衣，滿園山色鴉晝啼。  
晚來官舍清無比，甕頭倒却差可喜。  
廣庭羅席篆浮烟，霜螯雪鱸堆滿前。  
狂生笑吐芙蓉鏑，佳客重吟桂樹篇。  
十年落魄傷離別，唾壺已碎珊瑚折。  
痛飲難斟白玉卮，逃虛欲覓丹砂訣。  
自憐失意隨荊州人，奴嗤笑登高樓絳灌羞。  
從噲等伍醉舞觥籌百不憂。

蚤春送友北歸



西來銅馬絡青絲北望旌旗蔽眼時鼓角漫驚羈  
旅客梅華猶遶雪霜枝荆襄戰格迷荒塹燕趙悲  
歌託夢思知爾雄談兼捫蝨鑿兜盾鼻好題詩

大司農蒼巖梁公嶺南使回貽詩見懷敬

依原韻奉酬

庾嶺停車又隔年春潮信到越江邊丹扉久憶趨  
朝履絳節初廻下瀨船烏爲鞞輶驚粵俗烽因囂  
歷障吳天最憐漂泊同王粲難寄菖蒲十樣箋

苦雨

亂烟終日雨雲氣雜諸峯北坨淹新麥南屏濕暮  
鐘水犀江漲急石岸海潮衝愁更連烽火傷時愧

老農

歸太僕祠堂歌

歸太僕震川先生昔爲順德馬政通判  
于衙舍後結屋三椽爲讀書處作廳記  
二篇載集中百餘年後余師改亭先生  
過順德從逆旅徒步入城尋遺跡不可  
得于郡傍荒烟蔓草中西向設瓣香流  
涕載拜去越載黃岡王昊廬侍讀督  
學畿內卽故址建祠數楹規模弘敞俯  
眺太行西麓中奉震川香火時改亭適  
在昊廬幕內寶贊成之余客錢塘友人

雪灘釣叟遺書稱述且屬爲詩記其事

因作長歌

千古文章嘆薪積腐遷班掾爭辟易屈疆簡傲豈  
無才歐柳曾王中繩尺百餘年來歸震川遺經自  
抱荒江邊瑯琊濟南互搯拄餘子碌碌紛眼前甫  
里先生是吾師論文得失寸心知披榛逆旅捫遺  
跡瓣香遙擲傷人嗤此事微茫已十載瓦礫霜濃  
猶不改黃州學士今最賢建植華堂發深慨雪灘  
釣叟持相聞意氣難隨宿草湮請看奇士侯芭識  
邨可悠悠與俗論太息風烟迴鉅鹿絕巘茅齋蔽  
荒竹寂寞婁江一片雲年年飛傷太行麓

十二硯齋歌寄蛟門舍人

廣陵舍人汪蛟門詞源倒峽翻崑崙往年寄我十  
二硯齋記墨光電掃龍蛇吞自言清羸夢入廣庭  
曲四座羅列周鼎商彝罇中有古硯不可數瘦如  
削珪斑苔痕纍纍黝黑無欺識蒼崖繡鍊磨朝昏  
解衣磅礴汚衫袖忽跨曲澗弄潺湲窈窕百端成  
夢境枕上紀述馳千言招類飲酒大笑樂遽呼潑  
墨名高軒東華軟塵足十丈對此能忘碧梧溪竹  
之故園余杳栩栩頗驚詫莊叟蝴蝶隨翩翩急欲  
短歌寄相贈蕭騷旅鬢謀饗殮珊瑚翡翠盡狼籍  
江花夕萎無能存送來此意盤胸膈衙齋坐臥消

精魂君不見曹家鄴下老妓憎銅雀瓦片埋孤村  
又不見端溪水坑深復淺豺虎滿道蛟螭蹲人生  
瞬息都幻化空花泡影憐朝暾只今流落吳山越  
水側賣漿仍著犢鼻裈何時置我十二硯齋裏與  
君焚香坐洗重討論

集句送別雲麓

晴雲如絮惹低空故國荆扉在夢中欲問吳江別  
來意參差烟樹五湖東

畫雲林山水奉寄司農公時公方奉使歸

自嶺表

過嶺新詩喜乍攀海天歸棹泣烏蠻尚書自愛蕉

林好飽看倪迂數尺山

岳鄂王墓

回首湖流隱畫橈  
岳王墳上草蕭蕭  
頻年羌篴吹孤月  
盡日垂楊鎖六橋  
石馬夜嘶荒殿雨  
水犀春漲浙江潮  
登臨休問前朝事  
只有南枝恨未消

懷西溪

箬笠棕鞵竹杖扶  
春來香雪滿晴湖  
數層烟水雲林棹  
一幅山光罨畫圖  
僮向水邊程鶴課  
人從村下稅花租  
幾時共踐西溪約  
結屋牽船看浴鳧

雜感

南渡垂楊古岸頭  
絲絲不似冶城秋  
可憐一片笙

歌起銷得官家幾許愁

春夜觀劇卽席成四截句

銀虬聲永廣筵開小部鈞天夜奏來欲剪春愁渾似水當筵曾喚幾千迴

樺燭三條照畫屏粧成搬演小秦青酒腸已被歌喉壓猶向檀槽按拍聽

蹉跎雙鬢竟絲絲惱煞樊川杜牧之正是江南花落候不堪惆悵爲情癡

贏得當年薄倖名司空席上最關情酒酣一曲無人問珍重何堪白髮生

南宋宮詞四首

御教場中看點操宮娥隊隊雁翎刀鄂王已戮斬

王死羞著團花舊錦袍

御教場屬宋大內南渡嬪妃演武于此

官家北內敕吹彈錦繖黃羅雉尾攢怪底雲中仙

樂響小劉妃奏玉笙寒

思陵內禱居德壽宮人呼爲北大內孝宗于中秋率

宮人張樂進膳小劉妃吹碧玉笙是夕人間聿西典有仙樂相應和云

簫鼓樓船浸綠莎殘山剩水已無多羸他蟋蟀西

風裏輸與平章賈八哥

賈似道行人宮中都備賈八哥

泥馬還來寢殿前銅鋪月黑響金鈿葫蘆宮井無

人跡劫化紅羊又幾年

元張翥宋宮詞有魚知白馬與王地又到紅羊換劫

向年

孤山偶吟



五日泛舟午風酣暢畫舫笙歌湖山環  
繞冶湄使君載酒放鶴亭邊其弟中溪  
子戲尋小青墓不得微吟銷魂一半是  
孤山之句余信口足成之相與拍浮狂  
叫酒痕墨瀋幾汚衫袖半酣小憇處士  
祠中再賦漁家傲一闕已而夕陽在山  
人影散去逋仙有靈亦應呼梅妻鶴子  
共伴香魂于暮烟衰草之際也

青青芳草

瘞紅顏愁對雙峰似翠鬟

多少西陵松

艾虎製符懸

栢路銷魂

一半是孤山

附漁家傲

艾虎製符懸

漾湖心清又徹無休歇子規枝上聲血瘞  
玉埋香魂斷絕銀濤江上空嗚咽莫把靈均問

語試春纖捏半  
勝選逸沉檀屑

暫歸吳門宋先生招同施愚山大叅丁飛  
濤儀部尤展成司李暨蕭山毛大可會  
稽張南士平湖郭臯旭同郡袁重其雅

集讀書堂分賦

倦客尋歸棹撰奇問草堂畏炎驅襍穢選勝列壺  
觴酒過鄰堦熟花開隔院香未能消白羽痛飲且

滄浪

詩舜登滄浪  
亭在鄆城內

用鄆陵梁御史韻寄祝汪太公兼東蛟門  
垂釣流年鬢未華脩然高枕老烟霞筍輿曉挂紅  
橋柳烏帽春梢故苑花坐愛班衣裁畫錦閒拖藤

杖過山家銀鱗入饌娛親日不憶金門倦眼遮

八月十八日觀潮不至

赭龕東望杳冥冥白馬銀濤竟不靈只有潮痕一  
線白歸來贏得晚山青

送鴛湖湯公牧入京

前年挾策燕山好擊筑彈絲共傾倒感君送我上  
柴車至今却憶蘆溝道君今重溯玉河春郭隗臺  
邊問故人斜倚隱囊揮麈尾應知投轄有平津憐  
余偃蹇西陵住作賦登樓無好句窮鳥終傷羽翼  
垂潛鱗欲附冥鴻去回首鴛湖歲暮天霜華喜趁  
孝廉船長安卿相爭延致羨爾才名重日邊

奉寄蒼巖先生四首

臘釀初濃炙鳳笙尚書曳履赤霄行憂勤自識元  
臣抱眷顧頻煩

聖主情蕭相持籌關國計謝安著屐起蒼生後堂  
絲管春前奏會祝南荒蚤罷兵

蒿目絲絲鬢欲斑暖回腸谷啓朱顏容臺禮樂心  
先折樞府兵農政未閒江左風流今寂寞東京耆  
舊尚追攀香巖寥落梅村杳自向蕉林煉九還

合肥川集

湖謝故云

聖書曾御海天風相國陪邊蚤挂弓坐繫安危樽  
俎內潛銷兵甲笑談中迴舟尚記枕椰黑過嶺猶

思荔子紅翡翠越裳仍入貢懸知仗節有奇功

謂粵

東之役獨平南勅頭也

落落窮愁自著書青燈細雨淚沾裾漫因掃閣親  
元老敢望論文薦子虛琴爲麤餘悲墮溷鉞當彈  
後嘆無魚沙堤咫尺開釣軸待拂春風到草廬

題畫與冶湄

愛君骨帶烟霞癖藤塢秋風未擬還也向空濛耽  
柱頰拋書爲畫米家山

東雲麓二首

同醉西湖月分攜又二年離亭動霜角絕塞起戈  
鋌柳色原依舊風光更可憐遙知春草發有夢到

池邊

謂雲麓憶弟  
治涓之句也

春道嘉莊好桑麻近若何秋風吹笠澤寒雨憶溱  
沔我自耽丘壑君無戀薜蘿金貂元累葉旦夕想  
鳴珂

偶感

日夕勞勞車馬間人情曲似武夷山不如歸去虹  
亭好簪笠策衣水一灣

元禮登第未入館選却寄

聞君雁塢題名日正是西陵花放時喜劇已陳燒  
尾宴愁來猶寄斷腸詩狂奴自合隨漁艇才子原  
應到鳳池何事玉鞭雲外轉不畱陪輦絡青絲

再題藤塢圖

百丈蘇堤栽綠柳數椽臯廡挂青藤他年載石營  
丘壑絕勝當年王右丞

皖江龍二爲舍人新納姬武林于其北上  
戲以一律送之

秋水無波雁影斜金門蚤上似浮槎橐牋漫擬隨  
丞相挽髻空憐學內家新婦殘頭迷桂檝小姑祠  
畔薦蘋花莫教松柏西陵路望斷春風油壁車

富春渚二首

挂席烟江上輕颿指富春波平復澹蕩鼓柁迷江  
津中流震簫鼓樽酒歡相親烟巒故客與海鷗狎

遠巡遙指桐君郭垂釣談絲綸

連年烽火暗尋遊繫塵鞅水犀江面開羽檄迅飛  
槩每思強弩風令人嗟古往豈期露布傳川原銷  
伏莽一江春水溪山花媚幽賞從茲戀芳洲怡情  
恣瀟瀟

嚴陵道中

層巒互參複橋鳥迴枉渚輕鷗正揚舲晨曦匿遠  
淑跬步失崇巒棹謳迷處所雲際辨孤帆烟中亂  
人語灘急篙更響長年雜耶許叢篠藏虎跡腥風  
畏徒旅曾聞灩澦深急流肯辭阻

潛江灘月下同冶湄使君聽小史唱歌



烟靄沉沉壓翠巒，蘭橈小駐潯江灘。白翎雀繞千

山暮，明月當筵曲未殘。

白翎雀，曲名。元順帝好彈白翎雀。

檣烏燈火正棲鴉，玉篴閒吹對淺沙。轉憶江州白

司馬，夜深清淚濕琵琶。

山圍如畫月初圓，石瀨才停錦纜船。紅豆數聲情

更切，青春愁殺李龜年。

越水千迴咽暮潮，戈頭矢鏃未全銷。酒闌閒唱無

愁曲，悵絕寒江送六朝。

題汪蛟門舍人少壯三好圖

人生適意無事無，會須富貴何爲乎。老夫擊缶歌  
烏烏，典酣博塞兼携菹。醉便臥倒黃公壚，醒還挂

書牛背趨如此行樂足歡娛汪家舍人真我徒風  
流絕似蕭彥瑜書淫酒僻喜吹竽金門索米羞侏  
儒禹生爲作三好圖圖中粧成四五姝折腰墮馬  
色態殊搗箏記曲轉青臚髣髴花奴與念奴舍人  
鬚鬣微有鬚啣杯側坐紅氍毹檢書啜醴樂事俱  
吁嗟孫郎何太愚勸爾止酒開閣情鬱紆不見大  
喬當日嫁伯符爾家舊事詎可誣茶村野老頗獻  
諛直謂聲酒必相需我笑杜陵亦近迂老妻瘦面  
山澤癯邨得象管雜羅襦羣賢拍手供椰榆惟吾  
無卷重脚躡舍人相貌真魁梧豈若公等轅下駒  
他年勸勳譙清都釣天廣樂響銅鋪綠章奏罷紛

鷓鴣後堂竹肉羅斯須爾時衆賓列坐隅方信斯  
圖弘規模

孫郎謂豹人茶  
邨指于皇也

### 冷泉亭

一勺明秋玉冷然注此亭飛流寒散碧倒影落空  
青老樹懸丹壑蒼藤縛畫屏洞中魚梵響花雨晝  
冥冥

### 葛嶺

葛嶺揆幽處山光駐曉霞高陂藏曲徑灌木老藤  
花屋角春雲蔽松梢積翠遮欲隨勾漏令何處覓  
丹砂

### 龍井

著屐尋龍井懸厓石磴長古苔侵竹色新雨沐山  
光滴瀝廬山雪分攜顧渚香泉聲初濺碧一酌已  
生涼

孤山

孤嶼湖中出諸峰繞畫屏揆山扶短策放鶴上空  
亭處士栽梅樹仙人斲茯苓可憐回棹後簫鼓咽  
西冷

六一泉

未得愚公谷先揆六一泉潺湲通曲澗飛瀑過山  
巔猿挂松枝落鷓穿橡栗堅素瓷涼月照相對想  
前賢

吳越故宮

吳越江山冷霸圖故宮衰草亂平蕪不隨漳水悲  
銅雀偏向錢唐聽鷓鴣一劒霜清成底事五王荒  
冢竟全無銀濤切莫回強弩猶有寒潮泣子胥

衢州

戰後沙田已盡荒舊巢無覓燕飛忙可憐血漬郊  
原草依舊青青過野牆

曉發衢州

曉月催征權溪喧浪不平霧籠嵐變幻灘急水縱  
橫曲岸蒼煙黑遙山埃火明短篷孤枕上一夢覺  
鷗輕

重過白門周雪客招同紀燧子汪舟次宗

定九小集汝南灣卽事

我愛周公瑾聽歌憶小鬟板橋桃葉渡曲檻汝南  
灣  
鸞叟狂仍舊汪倫醉莫還宗雷儻結社淡柳話  
追攀

定九淡柳  
堂集初成

下第後述懷寄司農公四首

知己恩難荅論文悔壯年長貧嗟伏櫪遊淚颯啼  
鵲笠澤終垂釣南山且種田不才甘棄擲只是負  
陶甄

偏側傷雌伏青燈淚暗枯行藏隨黠翁蹤迹掩菰  
蒲捫舌心猶壯支牀骨未蘇黑貂愁永夜勳業看

頭顱

長干隨父老木末競憑陵  
蹋伏倉中鼠淒涼凍後

蠅寒煙雙闕樹野菜六朝僧  
媿煞梁松圃飛騰我

未能

休寧令梁松圃寓長干寺見余闢牘決余必薦

多謝毛延壽蛾眉畫亦難  
焚書苦不早作達意何  
歡弱羽疑全鍛焦桐敢再彈  
明年五六月端的向  
長安

戊午元宵

客錢  
塘作

炎天昨歲始銷兵月涌錢塘浪未平  
絳樹千條銀  
海色星橋萬戶踏歌聲狂從曲院調  
珠勒醉倚華  
筵炙玉笙媿我青袍容易濕幾回燈  
火不勝情

次韻題僧迎母詩冊

把君詩卷獨淒然，媿我棲遲誤壯年。  
酒漬荒阡餘老淚，紙灰那得當金錢。

巖前迸筍能穿壁，屋後栽萱會滿階。  
愛向高堂供菽水，笑他底處著芟鞋。

黃山吳仁趾擬遊燕市，握別西陵賦詩勸。  
駕時余亦將應詔入都矣。

楊花如雪點奚囊，鷓鴣聲中勸做裝。  
自有昆刀堪切玉，能無彩筆頌披香。  
秦碑蘚蝕述科斗，宋寢煙消指鳳皇。  
願我嬾聽燕市筑，裹回猶戀水雲鄉。

家語  
故云



長歌東家健菴果亭立齋諸叔

世間羣物紛自術不遇洪鈞盡如霰可知陶淑須  
錘鑪主持造化真宰見吾家諸父推玉峰何劉沈  
謝早能擅婁束旣逝海虞亾齋謂梅邨牧齋兩先生領袖人倫

羅衆彥祭酒聲名薄顧廚笙匏六藝如歌鈞仲尤  
亟試刑賞論東南會稽搜竹箭伯氏文章蓋代無  
力挽頽波風氣變薊北驂騮空一峙天子動容

清暑殿鶴長鳧短豈見收麟角鳳毛皆入薦起居  
八座飾雕輪珍羞時賜上官膳烏屐從容劔佩遲  
廟廊舟楫行堪羨忽歸讀禮却援琴差陋漢儒勤  
補繕時脩喪禮志憐余蹇劣辱見知摩笛彈箏淚如綫

南州堂集卷五  
六  
酒酣縱博賣漿家鬢絲飄澆桃花扇慙媿公卿薦  
禰衡長楊羽獵烏能擬擬從鸞翮整頰翎小子願  
爲剛百鍊

留別冶澹使君二首

七載依官閣論交詎偶然窮能憐杜甫醉或恕張  
顛琢句花如雪烹羊符似拳杭州風物好也賴使  
君賢

又逐徵車去聞籠反畏人感多情歷亂別苦話酸  
辛黃閣頻推轂青藤少結鄰使君有青藤書屋明年宣室

召遲爾 帝城春